

SAKSPAPIR

Saksnr	Utval	Type	Dato
078/19	Formannskapet	PS	20.11.2019
	Heradsstyret	PS	

Saksbehandlar	ArkivsakID
Linda Svidal Nordås	18/79

Oppmoding frå IMDI om busetjing av flyktningar i 2020

Vedlegg:

Vedr. 19-07357-1 - Anmodning om besetting 2020

514450_1_1.PDF

Rådmannen sitt framlegg til vedtak:

«Osterøy kommune buset 10 flyktningar i 2020 i tråd med førespurnaden frå IMDI. Familiesameining kjem i tillegg.»

Formannskapet - 078/19

FS - behandling:

AVRØYSTING

Rådmannen sitt framlegg vart tilrådd med 6 røyster (2SP, 2AP, 1KRF, 1H)

mot 2 røyster (2FRP).

FS - vedtak:

Formannskapet si innstilling til heradsstyret:

«Osterøy kommune buset 10 flyktningar i 2020 i tråd med førespurnaden frå IMDI. Familiesameining kjem i tillegg.»

Saksopplysningar:

Saksopplysningar:

Bakgrunn

Osterøy kommune mottok 24/10-19 anmodning frå IMDI om å busette 10 flyktningar i 2020.

Kriteria som Kunnskapsdepartementet legg til grunn for busetnad, er:

- Busetnad i alle landsdelar: styrt og spredt busetnad
- Resultat i introduksjonsprogrammet siste 3 år, og sannsynelegheit for å få arbeid i busetnadsregionen
- Kommunen sin kapasitet og kompetanse
- Beredskap for opp- og nedbygging av busetnadskapasiteten, stabilitet i tenestetilbodet og evne til rask omstilling
- Område med høg andel innvandrarbefolkning skal det som hovudregel ikkje busettast flyktningar i
- Kommunar med integreringsmottak, og deira randkommunar, skal vurderast særskilt for anmodning om busetnad
- Det skal i størst mogeleg grad sikrast kontinuitet i busetnadsarbeidet

(www.regjeringen.no 10.01.19)

Flyktninggrupper

Vi har per i dag busette frå ulike land. Vi har busett både kvoteflyktningar (dei som kjem direkte frå eit utsatt område via FN-systemet), og personar som har vore via mottak i Norge.

Kompetanse og arbeidsplassar

Osterøy integrerings- og læringscenter, OIL, har lukkast med å bygge ein organisasjon med høg kompetanse på fleirkulturelle, språklæring og flyktningproblematikk. OIL sin kompetanse sit i organisasjonen, ikkje i den enkelte arbeidstakar. Slik situasjonen er per i dag vil det vera lite gunstig for kommunen å avslå IMDI si anmodning, då dette vil medføre at mange arbeidsplassar må avviklast. Ein slik prosess vil ta tid, medan inntektene vil gå kraftig ned med umiddelbar verknad.

Resultat av introduksjonsprogrammet

Resultat av introduksjonsprogrammet må sjåast over år, og det er så pass få personar som sluttar i per år at det er vanskelig å kommentere sluttårsaker utan å bryte teieplikt. Det er imidlertid semje mellom OIL og NAV Osterøy at det er viktig med langsiktig kvalifisering, og at grunnskule for vaksne er eit viktig verkemiddel for dette. Grunnskule for vaksne er imidlertid ingen sluttårsak IMDI reknar som «god nok». For å kompensere for dette, er det difor lagt til rette for at ein deltakar kan kvalifiserast til deltidsarbeid parallellt med Grunnskule, gjennom NAV sine ulike kvalifiseringsløp med hovudmål arbeid. Kombinasjonen flyktningsstipend og deltidsarbeid skal gjere disse sjølvforsørgra. Overgangen mellom introduksjonsprogram til arbeid og aktivitet er god. Det er ingen som har sosialhjelp som hovudinntekt.

Økonomi

Det går føre seg ei tverrsektoriell drøfting med det formål å innrette integreringstilskotet i Osterøy kommune på ein slik måte at det kjem heilskapen i kommunen til gode. Ein tek her høgde for beregningsutvalget sine analyser. Beregningsutvalget ser på om tilskotet som følgjer den enkelte flyktning, dekkar ein kommune sine utgifter over ein 5 års periode. Dei første vurderingane i Osterøy kommune, i lys av denne rapporten, er at inntektene dekkar utgiftene trass i at vi er ein liten kommune som buset få flyktningar (ingen stordriftsfordeler).

Vurdering

Osterøy kommune har kapasitet til å ta i mot og integrere 10 flyktningar i 2020, og økonomien i det er vurdert som berekraftig. Dersom ein ikkje tek anmodninga til følgje, vil ein få ei større rekning på avvikling av drifta til OIL.

Folkehelse	- ikkje vurdert i saka
Miljø	- ikkje vurdert i saka
Økonomi	- sjå ovanfor

Konklusjon

Osterøy kommune buset 10 flyktningar i 2020. Familiesameining kjem i tillegg.